



ՀԱՍՏԱՏՈՒՄ ԵՄ՝
ՇՐՋԱԿԱ ՄԻՋԱՎԱՅՐԻ
ՆԱԽԱՐԱՐ
Ռ. ՊԵՏՐՈՍՅԱՆ

« 24 » 08 2020թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ 000064

Ձեռնարկողը՝

«ԷկոՔիմսինթեզ» ՍՊԸ
Ք. Երևան, Թումանյան

Գործունեությունը՝

Դիզեյային վառելիքի ծծմբազերծման արտադրամասի
նախագծի շրջակա միջավայրի վրա ազդեցության
գնահատման հաշվետվության
ք. Երևան

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
տնօրենի պաշտոնակատար՝



Ա. Թարգյան

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

թիվ ԲՓ 000064

<<24>> 08 2020թ.

Դիզվառելիքի ծծմբազերծման արտադրամասի շրջակա միջավայրի վրա ազդեցության գնահատման հաշվետվություն

Ներածական մաս

Ձեռնարկող՝ «ԷկոՔիմսինթեզ» ՍՊԸ

Ներկայացված նյութեր՝ ՇՄԱԳ հաշվետվություն, նախագծային փաստաթուղթ
Ա կատեգորիա

Տեղադրման վայրը՝ ք. Երևանի Էրեբունի վարչական շրջան
Արին-Բերդի 3-րդ նրբ, հ. 6/2

«ԷկոՔիմսինթեզ» ՍՊԸ-ի կողմից ներկայացված դիզվառելիքի ծծմբազերծման արտադրամասի նախագիծն իրականացվելու է Երևան քաղաքի Էրեբունի վարչական տարածքի Արին-Բերդ 6/2 հասցեում՝ արտադրական գոտում: Այն իրականացվելու է վարձակալության հիմունքներով՝ նախկին ասֆալտի գործարանի գոյություն ունեցող մասնաշենքում:

Գործունեության նպատակն է՝ դիզվառելիքի արդիական տեխնոլոգիաների ներդրամաբ ստանալ բարձր որակի դիզվառելիք (գուդրոն):

Նկարագրական մաս. Համաձայն հաշվետվության՝ նախկինում կառուցված ասֆալտգործարանի տարածքն ամբողջությամբ խախտված է: Արտադրական հրապարակի մի մասը բետոնապատված է, որոշ մասը՝ կանաչապատված: Կանաչապատ հատվածում աճում են դեկորատիվ և պտղատու ծառեր: Առկա են մարդու հարևանությամբ ապրող թռչուններ՝ ճնճղուկ, մոխրագույն ագռավ և այլն: Նախատեսվող գործունեության իրականացման և հարակից տարածքներում՝ պայմանավորված խիտ կառուցապատված լինելու հանգամանքով ՀՀ Կարմիր գրքերում գրանցված բուսատեսակները և կենդանատեսակները բացակայում են:

Էրեբունի վարչական շրջանի կլիման ցամաքային է՝ շոգ ամառով և ցուրտ ձմեռով: Տեղումների միջին տարեկան նորման կազմում է 316մմ: Քամու նվազագույն միջին արագությունը հուլիս ամսին կազմում է 7.2 մ/վրկ: Տարածքը պատկանում է III սեյսմիկ գոտուն, $A_{max} = 0.4g$ սպասվող առավելագույն արագացմամբ:

Անմիջապես նախագծվող արտադրամասի տարածքում գրունտային ջրերի մակարդակը տատանվում է 20-30 մ-ի սահմաններում:

Դիզելային վառելիքի արտադրամասը տեղադրվելու է բետոնե հատակ և դեմաժային համակարգ ունեցող շինության առանձին արտադրամասում՝ 1500մ² մակերես տարածքում: Արտադրամասին կից գտնվող 300մ² մակերեսով շինությունն օգտագործվելու է որպես



պահեստ: Արտադրամասի հարակից տարածքում՝ «Էկո Մետալ» ՍՊԸ-ի կողմից նախատեսվում է կազմակերպել ավտոմեքենաների բանեցրած կուտակիչների վերամշակման արտադրամաս: Գործունեության տարածքից 453մ հեռավորության վրա գտնվում է «Արմենիան մոլիբդեն փրոդաքշն» ՍՊԸ-ն (ներկայումս չի գործում): Գործունեության տարածքը գտնվում է մոտակա Էրեբունի բնակելի թաղամասից՝ 1.4-1.8կմ, դպրոցից՝ 1.85կմ, մանկապարտեզից՝ 1.95կմ, պատմաճարտարապետական «Էրեբունի» թանգարանից՝ 4կմ, «Խարբերդ» թաղամասի ամենամոտ բնակելի շենքից՝ 1.4կմ հեռավորությունների վրա: Վարձակալվող տարածքն ապահովված է ջրամատակարարման, ջրահեռացման էլեկտրամատակարարման և գազամատակարարման համակարգերով:

Ըստ հաշվետվության՝ այն մշակվել է գործող նորմերի[1,2], ՀՀ բնապահպանական օրենսդրության, ՀՀ Կառավարության որոշումների, նախարարների հրամանների, գործող մեթոդակարգերի հիման վրա:

Դիզելային վառելիքի որակը հիմնականում կախված է դրանում ծծմբի պարունակությունից: Վերամշակման ենթակա հումքի ընդհանուր զանգվածում ծծմբի պարունակությունը կազմում է 0.27%: 2009թ.-ից թույլատրվում է օգտագործել ծծմբի՝ մինչև 10ppm պարունակությամբ դիզելառեզին, Մաքսային միության տեխնիկական ռեգլամենտի շրջանակներում՝ K5 դասի էկոլոգիական վառելանյութ: Ընկերությունը նախատեսում է դիզելային վառելիքի ծծմբազերծման համար կիրառել նոր արդիական կատալիտիկ ծծմբազերծման տեխնոլոգիայով՝ HXC կայանք, որը ջրածնի օգտագործում չի նախատեսում և թույլ է տալու դիզելառեզինի վերամշակման արդյունքում ստանալ բարձր որակի դիզելառեզին, գույրոն: Ընկերության կողմից ընտրված տարբերակի՝ նոր կատալիտիկ ծծմբազերծման տեխնոլոգիայի կիրառումը, հնարավորություն է ստեղծելու դիզելառեզինը ծծմբի պարունակությունն իջեցնել մինչև 10ppm:

Նախատեսվող գործունեության կատարման համար հումքի մատակարարումն իրականացվելու է ՌԴ երկաթգծով, իսկ որոշ մասը ներկրվելու է նաև Իրանից՝ ավտոմեքենաներով: Ներմուծվող հումքը պահեստավորվելու է 50տ տարողության, հերմետիկ փակվող 4 մետաղյա ցիստեռներում:

Համաձայն հաշվետվության՝ կայանքի տարեկան արտադրողականությունն, ըստ դիզելային վառելիքի հումքի՝ կազմում է 1800տ/տարի: Ծծմբազերծման արդիական տեխնոլոգիան իրականացվում է ադսորբցիոն եղանակով՝ ծծումբ պարունակող միացումների օքսիդացում մինչև սուլֆոններ և դրանց հետագա ադսորբում: Այն հնարավորություն է տալու գործնականորեն բացառել ծծմբական անհիդրիդի արտանետումները: Գործունեության իրականացման արդյունքում ստացվելու է երկու տեսակի ապրանք՝ ծծմբի նվազ պարունակությամբ դիզելառեզին և հիմնական արտադրանքին զուգընթաց՝ ծծմբով հագեցած խտանյութ կամ գույրոն: Դիզելային վառելիքի ծծմբազերծման գործընթացը կատարվելու է երկու փուլով: Առաջին փուլում կատարվում է թթվայնացում՝ հեղուկ ֆազային HXC կատալիզատորի ավելացմամբ, երկրորդ փուլում՝ ծծմբային միացումների ադսորբում և սորբենտի վերականգնում (ռեգեներացում): Ադսորբերները լցվում են 2.8-7.0մմ չափեր ունեցող սիլիկագելով: Օքսիդացման գործընթացը ընթանում է 20-40°C ջերմաստիճանի պայմաններում՝ 4 մթն ճնշման տակ: Ադսորբերում կատարվում է ծծումբ պարունակող միացությունների ադսորբում և մաքրված դիզելառեզինը դուրս է բերվում ադսորբերից: Ադսորբման տևողությունը կազմում է 24 ժամ, որից հետո 1-ին ադսորբերը անջատվում է՝ նախապատրաստվում ռեգեներացիայի: Այնուհետև միանում է 2-րդ ադսորբերը, որտեղ ազոտի ճնշմամբ կատարվում է նոր չափամասով դիզելային վառելիքի լիցքավորում: Ադսորբերը մինչև ռեգեներացիան հեղուկազերծում են: Ադսորբերի ելքում ջերմաստիճանը կազմում է 80°C և ավելի: Ադսորբերը ճնշման տակ դատարկվում են հետո՝ օդափչում են



ազոտով: Օդափչումից հետո գազն ուղղվում է օդասառեցման սարք, այնուհետև՝ գառիչ և խողովակով արտանետվում մթնոլորտ: Դեպի ադսորբեր ազոտի մատակարարումը դադարեցնելուց հետո, կոմպրեսորով տաքացած օդը մղում են ադսորբեր՝ աստիճանաբար բարձրացնելով ջերմաստիճանը մինչև 540°C: Ռեգենարացիայի արդյունքում գտիչը մաքրում են, սորբենտի վրա նստած ծծմբի միացությունները դետորբվում, ստանալով զուգընթաց պատրաստի արտադրանք՝ վառարանային վառելիք կամ գուլթոն, որը հումք է հադիսանում բիտումի ստացման համար: Համաձայն հաշվետվության՝ այն թափոն չէ և ենթակա է վաճառքի: Վառարանային վառելիքը կուտակվելու է 10տ ցիստեռներում՝ հետագայում սպառողին հանձնվելու նպատակով:

Արտադրամասն աշխատելու է տարեկան 360 օր՝ երեք հերթափոխով: Նախատեսվող գործունեության իրականացման համար ստեղծվելու են 17 նոր աշխատատեղեր:

Կայանքի շահագործման ընթացքում առաջանալու են արտադրական թափոններ, որոնք համապատասխանում են բնապահպանության նախարարի 2006 թվականի դեկտեմբերի 25-ի N 430-Ն հրամանին կից ցանկի [22]՝ վտանգավորության 3-րդ և 4-րդ դասերին պատկանող թափոնատեսակներին.

- հատկությունները կորցրած ճենապակե գնդեր՝ 0.475 տ/տարի (առաջանում են տարին 1 անգամ), ծածկագիր՝ 31400710 01 00 4 (խեցեգործական, սանիտարական իրերի ջարդոն),
- բանեցված ադսորբենտ (5,7տ) (սիլիկագել), որը փոխվում է 2 տարին 1 անգամ, ծածկագիր՝ 59500700 01 01 4,
- բանեցված կոմպրեսորային յուղեր, ծածկագիր՝ 54100211 02 03 3,
- տեխսպասարկման և պլանային վերանորոգումների ժամանակ օգտագործված յուղոտված լաթեր, ծածկագիր՝ 58200600 01 01 4:

Ճենապակե գնդերն արտահանվելու են կենցաղային աղբի հետ, կամ ուղարկվելու են խեցեգործական, շինանյութեր արտադրող ձեռնարկություններին՝ որպես երկրորդային հումք: Բանեցված ադսորբերն ուղարկվելու է վերամշակման՝ ապակեգործական, ճանապարհային ծածկ կամ շինանյութեր արտադրող ձեռնարկություններին՝ որպես երկրորդային հումք:

Բանեցված յուղերը հավաքվելու են հերմետիկ փակվող մետաղյա տակառներում, պահվելու են հատուկ առանձնացված հարթակում՝ մետաղական տակդիրների վրա: Թափոններն ամբողջությամբ օգտագործվելու են արտադրամասում՝ ծծմբազերծման կայանքում, որպես երկրորդային հումք:

Յուղոտված լաթերը կուտակվելու են մետաղյա տարաներում և արտահանվելու են կենցաղային աղբի հետ միասին: Առաջանալու է նաև 1.28մ³/տարի կենցաղային աղբ, որը կուտակվելու է տարածքում առկա աղբամանների մեջ և տեղական կառավարման մարմինների համաձայնությամբ պարբերաբար տեղափոխվելու է աղբավայր:

Համաձայն հաշվետվության՝ գործունեության իրականացման ընթացքում օգտագործվելու է բնառեսուրսներից՝ ջուր և բնական գազ: Կայանքն աշխատելու է բնական գազով, որի ծախսը կազմելու է 233280մ³/տարի:

Ջուրն օգտագործվելու է արտադրամասում տեխնոլոգիական (լաբորատորիա՝ 3964.3մ³), աշխատողների խմելու և կենցաղային կարիքների համար(1535.7մ³), ընդամենը՝ տարեկան 5500.0մ³ թարմ ջուր: Դիզվառելիքի մշակման արտադրամասում ջուրն օգտագործվելու է սարքավորումների հովացման համար՝ ջրի շրջանառու համակարգով: Աշխատակիցներն օգտվելու են տարածքում գոյություն ունեցող ջրամատակարարման և ջրահեռացման համակարգերից: Արտադրամասի ջրամատակարարման օղակաձև ցանցի վրա տեղադրվելու են հակահրդեհային հիդրանտներ: Նախատեսվող գործունեության տեխնոլոգիական գործընթացում արտադրական արտահոսքեր չեն առաջանալու, ինչը պայմանավորված է արտադրամասի փակ շրջանառու համակարգով աշխատելու է հետ: Մթնոլորտային հոսքերը



արտհրապարակից դրենաժային ցանցով ուղղվելու են քաղաքային հեղեղային կոյուղու կոլեկտոր:

Գործունեության իրականացման ընթացքում առաջանալու են տնտեսա-կենցաղային և արտադրական(լաբորատորիա) կեղտաջրեր՝ $690,0 \text{մ}^3/\text{տարի}$ քանակով, որոնք լցվելու են տարածքում գոյություն ունեցող կոյուղացանց: Հաշվետվությունում ներկայացված է կոյուղու ցանց ուղղվող կեղտաջրերի կազմը և բաղադրությունը՝ համապատասխան ցուցանիշներով (կախված մասնիկներ, նավթամթերքներ, յուղեր, սուլֆիտներ, քլորիդներ, նիտրատներ, ամոնիակ, լվացող սինթետիկ նյութեր, որոնք պարունակում են բարձր ԹՔՊ և ՔԿՊ): Հաշվետվությունում կատարվել է աղտոտող նյութերի թույլատրելի սահմանային արտահոսքերի (ԹՍԱ) չափաքանակների հաշվարկ՝ համաձայն շրջակա միջավայրի նախարարի N464-Ն հրամանին կից՝ Հավելված 1-ում տրված մեթոդակարգի [15]: Համաձայն հաշվետվության՝ արտադրամասի շահագործման հետևանքով քաղաքային կոյուղու կոլեկտոր են թափվելու տարեկան 0.485 տ աղտոտող նյութեր: Կատարվել է կոյուղու ցանց ուղղվող արտադրամասի կեղտաջրերի միջին կշռային բաղադրության (կոնցենտրացիաները գ/մ^3)՝ Երևան քաղաքի աերացիայի կայան մուտք գործող կեղտաջրերի համար հաստատված թույլատրելի նորմերի հետ համեմատական վերլուծություն: Ըստ հաշվետվության՝ վերջիններս գտնվում են Երևան քաղաքի աերացիայի կայան մուտք գործող կեղտաջրերի համար (ՇՆԼԿ 2-04-03-85 [14] հաշվարկի) հաստատված թույլատրելի նորմերի սահմաններում:

Համաձայն գնահատման հաշվետվության՝ կայանքի աշխատելու ընթացքում լինելու են մթնոլորտ կազմակերպված և անկազմակերպ արտանետումներ: Կազմակերպված արտանետումներն առաջանալու են տեխնոլոգիական պրոցեսում օգտագործվող բնական գազի օգտագործումից՝ ազոտի(NO_2 /երկօքսիդ և ածխածնի(CO)օքսիդ: Իսկ անկազմակերպ արտանետումները՝ սարքավորումների անկիպություններից, աղսորբերներից և ռեգեներացումից ($\approx 0.5\%$, ծծմբի երկօքսիդ՝ SO_2): Առաջացած վնասակար ծխագազերը մթնոլորտ են արտանետվելու $H=3$ մ բարձրությամբ ծխատար խողովակով:

Գործունեության իրականացման հետևանքով արտադրամասից տարեկան արտանետումների ընդհանուր քանակը կազմելու է 3.544 տ/տարի, որից՝ ածխածնի օքսիդ՝ $3,0$ տ/տարի, ազոտի օքսիդներ՝ $0,5$ տ/տարի և սարքավորումների անկիպությունից՝ $0,0441$ տ/տարի ծծմբային անհիդրօքսիդներ: Ծծմբազերծման արտադրամասի հարևանությամբ, մեկ արտադրական հրապարակում (50 մ հեռավորության վրա) գտնվում է աշխատած կուտակիչների վերամշակման արտադրամասը: Հաշվետվությունում հաշվարկվել է երկու արտադրամասերի համատեղ շահագործման հետևանքով մթնոլորտ արտանետվող վնասակար գազերի գումարային ազդեցությունը: Համաձայն հաշվետվության՝ համատեղ արտանետումների արդյունքում լինելու են՝ ածխածնի օքսիդի ($8,19$), ազոտի օքսիդների ($4,18$), ծծմբային անհիդրիդի ($0,544$), ծծմբական թթվի գոլորշու ($0,25$), կրափոշու ($0,0068$), օրգանական փոշու ($0,07$), կապարի փոշու ($0,00803$), ընդամենը 13249 տ/տարի արտանետումներ, որից «Էկո Մետալ» ՍՊԸ-ի արտանետումները կազմելու են $9,704$ տ/տարի:

Համաձայն հաշվետվության՝ արտանետումների ազդեցությունը մթնոլորտային օդում գնահատելու նպատակով կատարվել են «Ռադուգա» ծրագրով ցրման հաշվարկներ, որոնց արդյունքները համեմատվել են գոյություն ունեցող սանիտարական թույլատրելի նորմերի հետ: Համաձայն ծրագրի՝ գետնամերձ հաշվարկային կոնցենտրացիաները, ներառյալ գումարային ազդեցությունները, մթնոլորտի աղտոտվածության մակարդակը մոտակա բնակելի գոտում կազմում են՝ Խարբերդ թաղամասում՝ $0.00015 \div 0.0044$ ՍԹԿ միավոր, «Արմենիան Մոլիբդեն Փրոդաքշն» ձեռնարկության տարածքում՝ $0.00068 \div 0.02$ ՍԹԿ միավոր, իսկ սահագծվող արտադրամասերի ընդհանուր արդիարթակում՝ $0.0033 \div 0.19$ ՍԹԿ միավոր: Հաշվարկվել է նաև երկու ձեռնարկությունների՝ «Էկո Քիմսինթեզ» ՍՊԸ և «Էկո Մետալ» ՍՊԸ-ի համատեղ



ազդեցությունները: Համաձայն հաշվետվության՝ մթնոլորտի աղտոտվածության մակարդակը մոտակա բնակելի գոտում կազմում են՝ Խարբերդ թաղամասում է $0.0000084 \div 0.014$ ՍԹԿ միավոր, «Արմենիան Մոլիբդեն Փրոդաքշն» ձեռնարկության տարածքում՝ $0.000027 \div 0.045$ ՍԹԿ միավոր: Կատարվել են հաշվարկների համեմատական ցուցանիշների վերլուծություն: Համաձայն կատարված վերլուծության՝ առավելագույն մերձգետնյա կոնցենտրացիաները բոլոր նյութերի համար՝ արտհարթակում, ամենամոտիկ բնակելի գոտում, մոտակա ձեռնարկության արտհարթակում գտնվելու են թույլատրելի նորմերի սահմաններում: Գործունեության իրականացման հետևանքով՝ մթնոլորտի վրա հնարավոր ազդեցության տնտեսական վնասը կազմելու է տարեկան 39,9 հազար դրամ:

Գործունեության իրականացման ընթացքում աղմուկի մակարդակը գտնվելու է թույլատրելի մակարդակում:

Համաձայն գնահատման հաշվետվության՝ գործունեության իրականացման ընթացքում լինելու են ազդեցություններ՝ կապված տրանսպորտի տեղաշարժի, թափոնների պահման, տեղափոխման, կայանքի շահագործման ընթացքում աղմուկի, մթնոլորտ ծխագազերի՝ ազոտի, ածխածնի օքսիդների արտանետման, կեղտաջրերի, աշխատանքի անվտանգության և արտակարգ իրավիճակների ռիսկերի առաջացման հետ:

Գնահատման հաշվետվությունում նախատեսվում է օդային ավազանն աղտոտումից պահպանման, թափոնների կառավարման, սոցիալական, արտակարգ իրավիճակների ռիսկերի նվազեցմանն ուղղված բնապահպանական միջոցառումներ և մոնիթորինգ (մշտադիտարկում)։

- թափոնների գոյացման տեղերում, վերջիններիս ժամանակավոր պահպանման համար համապատասխան տարաների տեղադրում,

- թափոնների տարաների պահպանման վայրի հատակի՝ անջրաթափանց և անյուղաթափանց նյութով պատում,

- արտադրության տարածքում թափոնների հավաքման և ժամանակավոր պահման հսկողության և հաշվառման իրականացում,

- անբարենպաստ օդերևութաբանական պայմաններում՝ սարքավորումների գերբեռնված աշխատանքի բացառում,

- արտադրամասի հատակի կահավորում դրենաժային համակարգով՝ գրունտային ջրերն աղտոտումից պահպանելու համար,

- տեխնոլոգիական սարքավորումների հովացում՝ ջրի շրջանառու համակարգով,

- բանեցված յուղերով լցված տակառներում (5%-ից ոչ պակաս) ազատ ծավալի ապահովում՝ յուղի հնարավոր ընդարձակման համար,

- վերամշակման ենթակա հումքի և պատրաստի արտադրանքի պահում հերմետիկ մետաղյա ցիստեռներում՝ ծածկի տակ,

- արտադրամասի տարածքում փոշու, ածխածնի օքսիդի, ածխաջրածինների, ազոտի օքսիդների, ծծմբային անհիդրիդի ավտոմատ չափման սարքերով նմուշառում և չափում՝ ամիսը երկու անգամ,

- աշխատակիցներին համապատասխան անհատական պաշտպանիչ միջոցների(կոշիկներ, ձեռնոց, ակնոց) տրամադրում՝ աշխատանքի անվտանգությունն ապահովելու նպատակով,

- արտադրական հանգույցում օդափոխության, հակահրդեհային ազդանշանային համակարգերի առկայություն, հակահրդեհային հիդրանտների տեղադրում,

- արտակարգ և վթարային իրավիճակների առաջացման դեպքում՝ գործողությունների մշակում և այլն:

Մշտադիտարկումների համար նախատեսվելու է տարեկան 360 000 դրամ:



Պատճառաբանական մաս. նախատեսվող գործունեության իրականացման համար նոր տարածքներ չեն խախտվելու: Այն կատարվելու է գոյություն ունեցող արտադրական տարածքում, որը գտնվում է երկարամյա մարդածին ազդեցության ներքո: Համաձայն հաշվետվության՝ նախատեսվող գործունեության հնարավոր ազդեցությունը շրջակա միջավայրի վրա լինելու է թույլատրելի նորմերի սահմաններում և ծծմբի՝ մինչև 10ppm պարունակությամբ դիզվառելիքի օգտագործումը կկրճատի դիզելային շարժիչների շահագործումից մթնոլորտ աղտոտող նյութերի արտանետումների քանակը, կնվազեցվի շրջակա միջավայրի աղտոտումը: Գործունեության իրականացման արդյունքում ստեղծվելու են նոր աշխատատեղեր: Ջրի շրջանառու համակարգի ներդրումը կրճատվելու է թարմ ջրի ծախսը (97%), տնտեսելով՝ տարեկան 181.44 հազ.մ³ ջուր:

Համաձայն հաշվետվության՝ ընկերությունն իր շահույթի որոշ մասն (900 մլն. դրամ) ուղղելու է տարածքի սոցիալական զարգացման, ինչպես նաև կրթական, առողջապահական և այլ սոցիալական բնագավառների զարգացման հնարավորությունների ուսումնասիրությանը:

Հաշվետվության փորձաքննական գործընթացին մասնակցել են համապատասխան մասնագիտական կառույցները՝ առողջապահության, արտակարգ իրավիճակների նախարարությունները, շրջակա միջավայրի նախարարության ստորաբաժանումները: Փորձաքննական գործընթացում գնահատման հաշվետվությունն առաջարկություններով և դիտողություններով լրամշակվել է: Օրենսդրությամբ սահմանված կարգով Երևան քաղաքում իրականացվել են հանրային քննարկումներ, որի ընթացքում հանրությունը դրական է արտահայտվել:

Փորձաքննական պահանջներ

1. Գործունեության իրականացման ընթացքում անհրաժեշտ է ապահովել հաշվետվությամբ նախատեսված մշտադիտարկման (մոնիթորինգ) և բնապահպանական միջոցառումների կատարումը, կազմել հետնախագծային վերլուծության ծրագիրը, ինչը համապատասխան պահանջի դեպքում պետք է տրամադրվի պետական մարմիններին և հանրությանը:

2. Հաշվետվությունում ամրագրված բնապահպանական միջոցառումների չբավարարման դեպքում, նախատեսել լրացուցիչ միջոցառումներ՝ թույլատրելի նորմաների պահպանմանն ուղղված:

3. Բացառել բաց տարածքում թափոնների կուտակումը և պահպանումը, զարշահոտության տարածումը:

4. Ապահովել հաշվետվությամբ ամրագրված՝ ծծմբով հագեցած խտանյութի վաճառքը, բացառել որպես թափոն դրանց հեռացումը:

5. Նախատեսվող գործունեության իրականացման ընթացքում պահպանել բնապահպանական, արտակարգ իրավիճակների և աշխատանքի անվտանգության՝ ՀՀ օրենսդրությամբ սահմանված նորմերը:

ԵԶՐԱՓԱԿԻՉ ՄԱՍ

«Էկո-Քիմսինթեզ» ՍՊԸ-ի կողմից ներկայացված դիզելային վառելիքի ծծմբազերծման արտադրամասի նախագծի շրջակա միջավայրի վրա ազդեցության գնահատման հաշվետվության վերաբերյալ տրվում է դրական եզրակացություն, վերը նշված փորձաքննական պահանջների պարտադիր կատարման պայմանով:

Գլխավոր մասնագետ



Թ. Նուրիջանյան